

MAŠOKOTŠO A DITLABELO TŠA DIMINERALE LE PETROLEAMO

Ke eng se se mphsa?

- 28 Janaware 2019 – tokollo ya mokgwatšhomo wa tshedimošo (data) ya master (RAV01)

Tokollo ye e akaretša ngwadišo le tsenelo ya boleloko ya balefela motšhelo ba MPRR bao ba dutšego ba le gona go mokgwatšhomo o mompsha, gape le go dira akhaonte ya molefela motšhelo. Dikgato tše di letetše gore data ya master e hlwekišwe (go tlatšwa botse gape ka hloko). Dingwadišo le/goba ditsenelo tša boleloko tša Setheo se Sempsha sa Molao bakeng sa MPRR di tla tšweletšwa ka foromo ya RAV01, yeo e emetšego foromo ya kgale ya MPR1. Nomoro e mphsa ya akhaonte ya MPRR (gape yeo e šupetšwago bjale ka nomorotšhupetšo ya motšhelo) e tlo tšweletšwa gomme e tla thoma ka “814....”.

- 01 Oktobore 2018 – Dipušetšo tša Mašokotšo a Ditlabele tša Diminerale le Petroleamo (MPR3) SARS e ntšhitše foromo e mphsa bakeng sa [taetšo ya Tefelo le Pušetšo ya Ditlabele tša Diminerale le Petroleamo](#). Foromo ye e a hwetšagala bakeng sa go e taonelouta go tloga ka 01 Oktobore 2018 gomme balefela motšhelo ba bjale ba MPRR ba tla letelwa go tlatša pušetšo e mphsa ya MPRR le foromo ya tefelo ya data:
 - Tlhahlo ya Kgale ya Tefelo ya Ditlabele tša Diminerale le Petroleamo (MPR2) le Pušetšo ya Ditlabele tša Diminerale le Petroleamo (MPR3) e fetošeditšwe go [Pušetšo ya Ditlabele tša Diminerale le Petroleamo \(MPR3\)](#), go laodiša o swanetše go tlatša Pušetšo e mphsa ya (MPR3).
 - Pušetšo ya MPR3 e mpshafadišwe ka mohuta wa meneral, yuniti ya kelo le bontši bjo bo fetišeditšwego) bja diminerale tše di rekišitšwego tše di bego di sa akaretšwa peleng ka go MPR3.
 - Foromo ya MPR3 e lekaneditšwe go phethagatša dilo ka moka e lego, go faela, tefelo le ditlabele tša dipušetšo tše di latelago ka fase:

Foromo ya MPR3	Go faela	Tefelo
Foromo ya MPR3	Pušetšo ya Mathomo ya Tekanyetšo e swanetše go romelwa pele ga mafelelo a dikgwedi tše tshela (6), morago ga mathomo a ngwaga wa kelo	Tefelo ya mathomo – 50% ya palomoka ya sekoloto seo se lekanyeditšwego bakeng sa ngwaga wa kelo – dikgwedi tše tshela (6) ka morago ga mathomo a ngwaga wa tšhelete.
Tekanyo ya 2	Pušetšo ya Bobedi ya Tekanyetšo e swanetše go romelwa pele ga mafelelo a ngwaga wa kelo (ke gore pele ga mafelelo a dikgwedi tše 12 ka morago ga ngwaga wa kelo– e dirišwa ge eba ga se go dirwe diphetogo go mafelelo a ngwaga wa tšhelete).	Tefelo ya bobedi – mašaledi a palomoka ya tekanyo ya sekoloto sa ngwaga wa kelo – mafelelong a ngwaga wa kelo (ke gore pele ga mafelelo a dikgwedi tše 12 morago ga ngwaga wa kelo – e dirišwa ge eba ga se go dirwe diphetogo go mafelelo a ngwaga wa tšhelete).
Kgetho ya bo-3/Ya Tlaleletšo /	Kgetho ya boraro ya tlaleletšo ya pušetšo, e šupetšwa bjale ka “Pušetšo ya go Fetiša”, e ka dirišwa go laodiša sekoloto sa tlaleletšo sa ngwaga wa kelo, seo se bego se sa letelwa go tekanyetšo ya dipušetšo tša mathomo le tša bobedi (ka fao, ge go hlokega, pele mafelelo a dikgwedi tše 18 ka morago ga mathomo a ngwaga wa kelo – e dirišwa ge eba phetogo e be e dirilwe mafelelong a ngwaga wa tšhelete).	Kgetho ya Tlaleletšo ya Tefelo ya Boraro – Tšhelete yeo e sa akaretšwago go tekanyo ya mathomo le ya bobedi ya ngwaga wa kelo (ka fao, ge go hlokega, pele mafelelo a dikgwedi tše 18 ka morago ga mathomo a ngwaga wa kelo – e dirišwa ge eba ga se go dirwe diphetogo go mafelelo a ngwaga wa tšhelete).
Tefelo ya Mafelelo	Pušetšo ya ngwaga e swanetše go romelwa ka morago ga dikgwedi tše lesomepedi ka morago ga mafelelo a ngwaga wa kelo bakeng sa morero wa poelanyo ya mafelelo.	Tefelo ya mafelelo ya sekoloto – dikgwedi tše 12 ka morago ga mafelelo a ngwaga, fao sekoloto sa mafelelo sa pušetšo se fetišago ditelofelo tše di dirilwego bakeng sa ya-1 le ya-2, Tekanyo le kgetho ya bo3 ya tefelo.

- Ditefelo di ka dirwa ka [eFiling](#) ka go akhaonte ya SARS gomme tefelo enngwe le enngwe e swanetše go sepela le pušetšo ya go tlatšwa ya (MPR3). Ditefelo di ka dirwa ka eFiling ka tirišo ya “Ditefelo tša Tlaleletšo” (gape di šepetšwa bjale ka tefelo ya “Ad Hoc”) go mohuta wa motšhelo wa “MINR”.

- Ditefelo gape di ka dirwa ka EFT goba Khaontareng go lekala la pankha, ka go dira kgetho ya 'SARS Other' gomme o ka diriša tefelo ya nomoro tšhupetšo ya ditišiti tše-19 (PRN). Ye ga se kanale yeo e ratwago go dirišwa gomme e ka dirišwa ge eba eFiling ga se kgetho.
- Ditišiti tše 19-tša PRN ke "TAXREFNUMBX00000155". Tefelo enngwe le enngwe e swanetše go sepela le Pušetšo ya go tlatšwa ya Mašokotšo a Ditlabelo tša Diminerale le Petroleamo (MPR3).
- Ka morago ga 07 Disemere 2018, nomoro e mpsha ya tšhupetšo ya motšhelo, ya go thoma ka "814...." e tla be e fiwa balefela motšhelo ba MPRR bao ba ngwadišitšego le go ngwadišwa go tharollo ya mokgwatšhomo o mompsha.

Maele a bohlokwa kudu: Balefela motšhelo ba MPRR ba kgopelwa go šuthela go [eFiling](#) bjale ka kanale ya tefelo ka potlako. Se se tla fa balefela motšhelo nako ya go rarolla tsenelano ya mokgwatšhomo le eFiling le tumelelo ya dinyakwa go tharollo ya mokgwatšhomo wa tefelo le matlotlo. Dikanale tša EFT di ka se sa dirišwa bakeng sa ditefelo tša MPRR 31 Matšhe 2019, seo se laetšago gore ditefelo ka moka tša MPRR di ka dirwa fela ka go diriša kanale ya eFiling.

Ka morago ga 31 Matšhe2019, eFiling etla be e ele YONA FELA kanale ya tefelo bakeng sa MPRR.

Na molefela motšhelo o swanetše go dira eng go latela dinyakwa tša kanale ya eFiling?

- Ge eba ke kgale a diriša eFiling le go diriša ditefelo ka eFiling:
 - Tšwelapele ka go diriša FELA tshepetšo ya eFiling go dira ditefelo tša MPRR
- Ge eba ga se a thome go diriša eFiling goba go se dire ditefelo ka eFiling:
 - A se sa tšwela pele ka go dira ditefelo tša EFT ka inthanete goba Khaontareng go makala a dipanka
 - Ngwadiša bakeng sa eFiling ge eba ga se a tšhwe a ngwadiše go faela metšhelo e mengwe ka eFiling
 - Tlatša le go romela dintlha tša go pankha go eFiling bakeng sa ditefelo go SARS
 - Fana ka tshedimošo enngwe le enngwe yeo e hlokegago go SARS go tiišetša dintlha tša go pankha

Na MPRR ke eng?

Kgale, ditlabelo tša diminerale le petroleamo di be di na le beng ba praebete, go ra gore ditefelo tša go maena ditlabelo tše e be e lefelwa go Mmušo fela ka fase ga mabaka a itšeng, mohlala, fao go maena go dirilwego go naga yeo e lego ya Mmušo

Gore Afrika Borwa e sepelelane le ditlwaedi tša ditšhabatšhaba, Kgoro ya Diminerale le Enešiši e tšhame go ya ka fao ditlabelo tše di tsebja go bjale ka bohwa go batho ka moka ba Afrika Borwa gomme Mmušo e le mohlokamedi bakeng sa go hola MaAfrika Borwa ka moka

Tona ya Ditšhelete, go ya ka karolo ya 3(4) ya MPRDA o bapetša le go lefiša Mmušo mašokotšo ka mokgwa wa Molao wa Palamente. Se Tona e se dirile ka go tlhoma Molao wa Mašokotšo a Ditlabelo tša Diminerale le Petroleamo, 2008 [Molao wa Mašokotšo a Ditlabelo tša Diminerale le Petroleamo, 2008](#) gammogo le [Molao wa \(Taolo\) Mašokotšo a Ditlabelo le Diminerale le Petroleamo, 2008](#), bobedi di laolwa ke SARS.

Mašokotšo a ragoga ka phetetšo ya mašokotšo a go tšwa ka go Rephabliki. Bjale ka metšhelo e mengwe, ditshwanelo tša makgetho, dilebi, ditefiso le tšhelete ya go kgoboketšwa ke SARS, mašokotšo a kgobokeditšwego a lefelwa go Sekhwama sa Matseno a Setšhaba.

Na ke ya mang?

Batho bao ba latelago ba swanetše go ngwadiša bakeng sa tefelo ya mašokotšo go SARS:

- Motho yo mongwe le yo mongwe yo a swerego tokelo ya go moepo, phemiti ya tlhokomelo, tokelo ya go dira nyakišišo, tokelo ya go maena, phemiti ya maene goba tokelo ya tšweletšo goba khirišo goba khirišo ya nakwan mabapi le tokelo yeo; goba
- Motho yo mongwe le yo mongwe yo a thopago goba a utullago ditlabelo tša diminerale tša go tšwa ka go Rephabliki.

Na ke swanetše go tšea dikgato dife?

Setheo se swanetše go ngwadiša bjale ka molefela motšhelo ka go tlatša foromo ya [RAV01](#) le go romela ditokumente tša thekgo tšeo di hlokegago go tšwa go eFiling. Ge eba o ngwadiša la mathomo le SARS gomme ga o na nomoro ya

motšhelo, o swanetše go dira ngwadišo ya setheo le ngwadišo ya MPRR go lekala la SARS, gomme o ka tšea [MPR1](#) ya go tlatšwa go lekala la SARS. Ge o ngwadišitše bakeng sa motšhelo, setheo se ka ngwadiša bakeng sa go amogela MPRR. Dipotšišo ka ga ngwadišo, go ka ikgokaganywa le SARS Contact Centre go 0800 00 7277 goba [lekala la kgauswi la SARS](#) le ka etelwa.

Ge ngwadišo e phethagaditšwe gomme nomoro ya motšhelo e filwe, setheo se ka ngwadiša bakeng sa eFiling, yeo e lego mahala gape e lego bonolo go ikgokaganya le SARS. Setheo se tla kgona go ngwadiša go MPRR ka eFiling ka go tlatša diforomo tša RAV01 go karolo ya MPRR.

Ge ngwadišo le tsenelo ya boleloko di diragatšwa, tshepetšo ya taodišo e swanetše go laetelwa. Pušetšo ya go tlatšwa ya MPR3 e swanetše go emeilwa go mineralroyalty@sars.gov.za.

Na ke tekanyo efe bakeng sa mašokotšo?

Tekanyo ya mašokotšo e šongwa go ya ka fomula yeo e laeditšwego go dikarolwana (1) le (2) tša karolo 4 ya Molao wa Mašokotšo a Ditlabele tša Diminerale le Petroleamo, 2008 gomme e dira pharologano magareng ga maemo a hlwekišo goba go se hlwekišwe ga ditlabele tša diminerale, gomme ke tše di latelago–

- Bakeng sa ditlabele tša diminerale tša go hlwekišwa: bonnyane bja 0.5% go iša go palotlalo ya 5%
- Bakeng sa ditlabele tša diminerale tše di sa hlwekišwego: bonnyane bja 0.5% go iša go palotlalo ya 7%.

Na mašokotšo a swanetše go lefelwa neng gape bjang?

Ditefelo di ka dirwa ka kanale ya [eFiling](#) ka tirišo ya kgetho ya tefelo ya Tlaleletšo. Lemoga gore dikanale tša pankana di ka se sa dirišwa bakeng sa ditefelo tša MPRR ka la 31 Matšhe 2019, se se ra gore ditefelo ka moka tša MPRR di tlo dirwa ka tirišo ya kanale ya eFiling. Ka kgopelo tiišetša gore dikanale tša eFiling di beakantšwe bakeng sa molefela motšhelo yo mongwe le yo mongwe wa MPRR gomme ditefelo ka moka di swanetše go dirwa ka kanale ye go kgonthiša gore ga go be le bothata ge dikanale tša pankana di fedišwa.

Lemoga gore tefelo enngwe le enngwe e swanetše go sepela le [foromo ya go tlatšwaya MPR3 \(empsha\)](#) ya go tlatšwa kage e hlokega go ya ka molao bakeng sa ditefelo tše pedi tša motšwaoswere, ditefelo tša go fetiša le dipušetšo tša mafelelo (ge eba tefelo enngwe e a hlokega).

Kgato	Tlhaloso	Letšatšikgwedi la tokollo	Dipoelo tša tokollo
<p>Kgato ya 1</p> <ul style="list-style-type: none"> • Foromo MPR3 (e mpsha) 	Tokollo ya (foromo) e Mpsha ya pušetšo ya MPR3. Foromo ye e akaretša temošo ya ditefelo tša morago tša MPR2 / pušetšo gommogo le MPR3 ya kgale. RAV01 e sat lo dirišwa go ngwadiša setheo sa semolao (ngwadišo e tee) le MPR01 bakeng sa tsenelo ya boleloko ya MPRR	01 Okt 2018	E lokolotšwe ka katlego, gatišitšwe gomme e a dirišwa go tloga ka 01 Oktobore 2018. Dipušetšo ka moka tša MPRR di swanetše go romelwa go MPR3 e mpsha, pele ga nako.
<p>Kgato ya 2</p> <ul style="list-style-type: none"> • RAV01 bakeng sa tsenelo ya boleloko ya MPRR • Tharollo ya mokgwatšhomo bakeng sa ngwadišo le tsenelo ya boleloko 	Tokollo ya mokgwatšhomo wa data ya Master le ngwadišo ya molefela motšhelo. Tlholego ya akhaonte ya molefela motšhelo le tiišetšo ya tsenelo ya boleloko go MPRR (kholofelo – ya data ya master e swanetše go hlwekišwa). Nomoro ya akhaonte (nomoro tšhupetšo ya motšhelo ya MPRR) e tla thoma ka “814...”. Dingwadišo tše mpsha le ditsenelo tša boleloko bakeng sa MPRR di tlo romelwa ka foromo empsha ya RAV01 (sebakeng sa foromo ya MPR1). Šupetša go letlakala la ngwadišo go websaete ya SARS go hwetša dintlha tše dingwe.	25 Janaware 2019	E sepela botse
<p>Kgato ya 3</p> <ul style="list-style-type: none"> • Kanale e Mpsha ya tefelo ya eFiling bakeng sa MPRR • Ge se sa diragatša dikanale tša bjale 	Tokollo ya kanale ya tefelo e mpsha yaeFiling. Go se sa diragatša dikanale tša tefelo ya bjale - ka EFT le ditefelo tša Khaontareng go Makala a dipanka (Payments@Banks), gammogo le dikanale tša bjale tše di hwetšagalago ka eFiling bakeng sa ditefelo tša MPRR.	Ka morago ga 31 Matšhe2019 (tbc)	Letšatšikgwedi la tokollo le tlo tiišetšwa le go fiwa go balefela motšhelo

tša tefelo			
Kgato ya 4 <ul style="list-style-type: none"> Dikanale tše mpsha tša eFiling – thomelo ya dipušetšo 	Tokollo ya dikanale tša eFiling go romela dipušetšo.	Ka morago ga June 2019 (tbc)	Letšatšikgwedi la tokollo le tlo tiišetšwa le go fiwa go balefela motšhelo
Kgato ya 5 <ul style="list-style-type: none"> Tokollo ya botlalo gape ya mafelelo eAccount Setatamente sa akhaonte 	Tokollo ya eAccount le Setatamente sa Akhaonte go eFiling go kgontšha balefela motšhelo ba MPRR go šoma ka akhaonte. Ye ke tirotšhomo ya akhaonte ka botlalo le tokollo ya mafelelo.	Ka morago ga Setemere. 2019 (tbc)	Letšatšikgwedi la tokollo le tlo tiišetšwa le go fiwa go balefela motšhelo

O ka fihlelela tlhahli ya ka ntle ya go mpshafatšwa ya MPRR le foromo ya MPR3 mo tlase:

- [Mineral and Petroleum Resources Royalties External Guide](#)
- [MPR3 Mineral and Petroleum Resources Royalty Return External Form](#)